

Beste Veronica,

Na 'n paar maande van (tussendeur) intensiewe beplanning, bespreking en voorbereiding is ons DV oor 2 weke gereed om te vertrek na Suid-Afrika, vir ons **tweede tuisbesoek** as gesin. Opgewonde? Natuurlik! Gepak? Glad nie, intendeel die elllange "to do" lysies is wydverspreid ...

'n Woelige vooruitsig, maar ook tyd vir afsaal en uitrus...

Met vier woelwaters aan boord behoort ons 'n reis te beleef **propvol aksie**. Vir Lodewyk en (baba) Stephan is dit 'n eerste ontmoeting met Suid-Afrika en 'n hele gemeenskap van familie en vriende ... omtrent opwindend! In die eerste deel van ons besoek neem ons ook ons volle jaarlikse verlof. Ons sien uit daarna om goed te rus en te kuier vóórdit die program afskop, en ook tussen-in.

Van der Watt 6 in Mei

Lodewyk (en Annlie) in badtyd

Stephan leer kruip (6 maande)

Program vir bekenstellings- en terugvoer-geleenthede

Heel onder is ons besoek-program, soos belowe. Enige iemand is **welkom** om die byeenkomste by te woon. Kontak my gerus met enige navrae. Ek sal ná ons verloftyd (m.a.w. vanaf 21 Julie) kan reageer op e-posse (jsvdwatt@gmail.com) en selfoon oproepe (nommer in SA: 072 070 7122). Terloops, indien jy verlede week se brief uit Missie Japan se kantoor (Bloemfontein) gemis het, [lees dit gerus hier](#).

Kontak met ondersteuners op verskillende maniere

Oor die afgelope 5 jaar het ondersteuners uit meer as 100 gemeentes in SA (en ook enkele vanuit ander lande) betrokke geraak by ons werk en lewe via Missie Japan. Ons is **baie dankbaar** hiervoor, en gaan probeer om soveel as moontlik van julle persoonlik te bedank en terugvoer te gee gedurende ons besoek, maar sal ongelukkig nie by almal kan uitkom nie. Tyd en kapasiteit ontbreek...

Daarom is ek ook tans besig met die saamstel van 'n **DVD** met grepies uit ons werk en lewe hier in Tokushima en verder in Japan (*baie dankie aan Jaco van Wyk van [Tokyo Union Church](#) wat sy tyd en kundigheid hiervoor aangebied het!*). So as ons nie persoonlik kan ontmoet nie, maar jy wel belangstel om die storie te hoor van God se pad met ons en Missie Japan, kontak my gerus, dan stuur ek die DVD.

Enkele beelde uit ons onlangse werk en lewe

Vandag is **Cornelius** se 5e verjaardag. Ons loof die Here vir sy lewe en vier steeds die vreugde van sy gesondheid, na sy [ernstige siekte na geboorte](#). Sy veggees en verbeelding hou ons hoog op ons tone...

Cornelius, paraat op 5!

Tyd ontbreek om als te beskryf wat verder die afgelope twee maande hierdie kant gebeur het, maar as jy 2 minute het, [klik hier om 'n paar fotos te sien wat die storie vertel...](#) **'n Laaste ding:** indien iemand 'n babastoeltjie het (vir gebruik in 'n motor) wat ons dalk die drie maande kan leen, laat weet ons asb.

Gebedsversoeke

Dank die Here saam met ons vir:

- Jaco se koms na Tokushima en die "skiet" van baie film-materiaal vir die DVD, en sy opoffering van tyd en energie hiervoor.
- 'n Baie sinvolle April en Mei, wat die kerklike bediening aanbetref (al was dit 'n strawwe program).

Vra in afhanklikheid van die Here vir Sy sorg in:

- 'n Veilige reis en diep rus vir ons as gesin in die tyd wat voorlê in Suid-Afrika.
- Verdere volhoubare ondersteuning deur gemeentes en individue vir die jare wat kom.
- Die DVD se redigering en samestelling wat baie tydrowend is in hierdie besige tyd.
- Alle verdere voorbereidings vir die tuisbesoek – daar is baie reëlings om te tref, en ook die skep van ander bemerkingsmateriaal (bv. brosjures), aanbiedings in gemeentes, lesings by Teologiese kweekskole ens.
- Stephan se laaste bedienings-verantwoordelikhede (3 dag vergadering 10-12 Junie, o.a. vir stigting van Missie Afrika organisasie vir RCJ-NGK samewerking), laaste preek (22 Junie) ens.
- Carina se verantwoordelikhede rondom ons kinders se tuisskooling (voltyds).

Baie dankie vir jou ondersteuning ... ons sien uit om jou in Suid-Afrika te ontmoet (indien moontlik)!

Vrede en vreugde,

Stéphan, Carina, Annlie, Cornelius, Lodewyk en Stephan

<http://www.missiejapan.co.za/>

Van der Watt Tuisbesoek-program		
Junie/Julie 2014		
Datum	Plek	Tyd
<i>Woe. 25 Junie</i>	<i>Aankoms in Kaapstad (verlof tot 20 Julie)</i>	
Son. 20 Jul.	Stilbaai (ook baba Stephan se doop geleentheid)	Oggend
Ma. 21 Jul.	Albertinia en Groot Brakrivier	11h30 en 16h00
Di. 22 Jul.	George en omgewing (George-Suid Gemeente)	Aand
Woe. 23 Jul.	Hartenbos en Outeniqualand	10h00 en 18h30
So. 27 Jul.	Oudtshoorn en Wellington (beide Moedergemeentes)	Oggend en Aand
Di. 29 Jul.	Paarlberg, Piketberg en Goodwoodpark	08h00, 12h30, 18h30
Woe. 30 Jul.	Stellenbosch (US) Fakulteit Teologie lesings aanbied	08h00
Woe. 30 Jul.	Stellenbosch Welgelegen (ingesluit STB-Wes)	18h30
Do. 31 Julie	US Fakulteit Teologie afspraak en Welgemoed	Oggend en 18h30
Augustus 2014		
Vry. 1 Aug	US Fakulteit Teologie afspraak en navorsingsgroep lei	Heeldag
Sat. 2 Aug	Ontbyt vir Wes-Kaap individuele ondersteuners	Oggend
So. 3 Aug	Tableview, Bloubergstrand en La Rochelle	09h00, 10h45, 19h00
So. 10 Aug	Humansdorp (Oos en Moeder gemeentes)	Oggend en Aand
Di. 12 Aug	Riversdal	19h00
Woe. 13 Aug	Bredasdorp	13h00
So. 17 Aug	Rant-en-Dal (Krugersdorp) en Weltevreden (Pretoria)	Oggend en Aand
Ma. 18 Aug	Pretoria groep gemeentes (plek sal bevestig word)	Aand

Di. 19 Aug	Univ. Pretoria Fakulteit Teologie en NGK Moderatuur	Oggend en Middag
Di. 19 Aug	Vereeniging groep gemeentes (by Geref. Kerk)	19h00
Woe. 20 Aug	Parys-Oos en Sasolburg-Fontein (Vaalpark ingesluit)	Oggend en Aand
Do. 21 Aug	Petrus Steyn en Kestell	10h30 en Aand
Vry. 22 Aug	Bethlehem-Noord en Hennenman	Oggend en Aand
Sat. 23 Aug	Wesselsbron-Noord en Hoopstad	Oggend en 18h00
So. 24 Aug	Viljoenskroon en Bothaville	Oggend en Aand
So. 31 Aug	Heuwelsig en Hugenoot (beide in Bloemfontein)	09h30 en Aand
September 2014		
Ma. 1 Sept.	Berg-en-Dal, Dealesville en Universitas-Wes (Bloem)	09h30,14h00,18h00
Di. 2 Sept.	Univ. Oranje Vrystaat Fakulteit Teologie en Aandbloem	Oggend en 15h00
Woe. 3 Sept.	Woon werksinkels by van Richard Blackaby (Bloem)	Heeldag
Do. 4 Sept.	Sake ontbyt (Blackaby) en Missie Japan kantoor (Bloem)	Vanaf 07h30
Vry. 5 Sept.	De Aar	Middag
Sat. 6 Sept.	Graaff-Reinet	11h00
So. 7 Sept.	Aliwal-Noord en Gardeniapark (Bloem)	Oggend en Aand
Do. 11 Sept.	Kareedouw	11h00
Vry. 12 Sept.	Somerset-Oos (en Cradock gemeentes ingesluit)	11h30
Sat. 13 Sept.	Van Stadensrivier en St. James (Summerstrand, PE)	09h00 en 13h00
Son. 14 Sept.	Sionsrand en RCA Malabar (albei in PE)	09h00 en 12h00
Son. 14 Sept	Summerstrand en Impetus (albei in PE)	15h30 en 19h00
Di. 16 Sept.	Missie Japan Bestuursvergadering (Stilbaai)	Heeldag
Woe. 17 Sept.	Missie Japan Bestuursvergadering (Stilbaai)	Heeldag
So. 28 Sept	<i>Vertrek uit Kaapstad na Osaka (Japan)</i>	18h25

